



Broj: 02-02-1383-6/24  
Sarajevo, 23.02.2024. godine

Na osnovu člana 69. stav (3), člana 90. Zakona o javnim nabavkama („Službeni glasnik BiH“, br: 39/14 i 59/22), člana 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine i broj 01-1344-5/2012 od 27.07.2012. godine, 49. stav (2) Pravilnika o javnim nabavkama roba, usluga i radova Kantonalnog stambenog fonda Sarajevo, broj: 02-02-416/23 od 21.03.2023.godine, v.d. direktor Kantonalnog stambenog fonda Sarajevo, kao Ugovornog organa, donio je

### **ODLUKU**

#### **o otkazivanju ponovnog postupka javne nabavke radova**

##### **Član 1.**

Otkazuje se ponovni postupak javne nabavke radova na sanaciji liftova u Kantonu Sarajevo na adresi Kulovića 2, Općina Centar u skladu sa odredbama člana 69. stav (3) Zakona o javnim nabavkama, odnosno zbog dokazanih razloga koji su izvan kontrole Ugovornog organa i koji se nisu mogli predvidjeti u vrijeme planiranja postupka javne nabavke.

##### **Član 2.**

Ova odluka objavit će se na web stranici Ugovornog organa - [www.ksfs.ba](http://www.ksfs.ba), u skladu sa članom 70. stav (6). Zakon o javnim nabavkama.

##### **Član 3.**

Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav (2). Zakona o javnim nabavkama.

#### **Obrazloženje**

Planom javnih nabavki Kantonalnog stambenog fonda Sarajevo za 2023. godinu planirana je javna nabavka radova na sanaciji liftova u Kantonu Sarajevo na adresi Kulovića 2, Općina Centar putem direktnog sporazuma, u kojoj je predviđena procijenjena vrijednost predmetne nabavke 4.779,15 KM bez PDV-a.

Nakon, neuspješno provedenog postupka predmetne javne nabavke Ugovorni organ je Odlukom o ponovnom pokretanju postupka javne nabavke radova na sanaciji liftova u Kantonu Sarajevo na adresi Kulovića 2, Općina Centar, broj: 02-02-1383/23 od 27.10.2023. godine ponovo pokrenuo predmetni postupak, te je Poziv za dostavu ponuda, broj: 02-02-1383-2/23 od 06.11.2023. godine dostavljen sljedećim ponuđačima:

- SEUL-KOMERC d.o.o Hadžići, Ul.6 Mart bb, Hadžići;
- HETIG d.d, Ul. Trg međunarodnog prijateljstva br.11, Sarajevo;
- EUROLIFTING d.o.o Ul. Ježinac- Magistralni put bb, Srebrenik;
- LIFTMONT d.o.o Ul. Republike Bugarske br.26, Sarajevo.

U krajnjem roku za prijem ponuda ponuđač SEUL-KOMERC d.o.o Hadžići je dostavio Ponudu broj: 60/23 sa ponuđenom cijenom u iznosu od 4.779,15 KM bez PDV-a, odnosno 5.591,61 KM sa uračunatim PDV-om.

U postupku pregleda i ocjene zaprimljene ponude utvrđeno je da ponuda ponuđača SEUL-KOMERC d.o.o Hadžići kvalifikovana, te da ispunjava sve uslove specificirane Pozivom za dostavu ponuda.



Kako u tom periodu Ugovorni organ nije imao ovlaštenog lica za potpisivanje njegovih službenih akata zbog kašnjenja u dostavi Rješenja o imenovanju vršilaca dužnosti predsjednika i članova Upravnog odbora Kantonalnog stambenog fonda Sarajevo, te zbog neimenovanja direktora, to predmetni postupak nije ni mogao biti okončan sve do 18.12.2023. godine kada su se stekli uslovi da novoimenovani v.d. direktor može potpisivati službene akte Ugovornog organa.

Kako su finansijska sredstva za realizaciju ove nabavke bila obezbijedena i u budžetima Kantona Sarajevo za prethodne fiskalne godine na osnovu Sporazuma o realizaciji Programa sanacije liftova Kantona Sarajevo u 2022. godini, broj: 02-03-1156-2/22 od 19.09.2022. godine, Sporazuma o realizaciji Programa sanacije liftova Kantona Sarajevo u 2022. godini na adresi Kulovića 2, Općina Centar, broj: 02-03-1620/22 od 20.12.2022. godine, bilo je potrebno izvršiti provjeru obezbijeđenosti sredstava u Budžetu Kantona Sarajevo za 2024. godinu obzirom da bi se radovi na sanaciji predmetnog lifta okončali u 2024. godini.

Stoga, se Ugovorni organ Aktom broj: 02-03-1575/23 od 19.12.2023. godine obratio Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo (U daljem tekstu: Ministarstvo) kao sufinansijeru projekta sa molbom za dostavu informacije o obezbijedenim sredstvima za finansiranje sanacije predmetnog lifta.

Uporedo sa navedenim, Ugovorni organ i Ministarstvo pristupili su izradi Aneksa Sporazuma o realizaciji Programa sanacije liftova Kantona Sarajevo u 2022. godini, broj: 02-03-1156-2/22 od 19.09.2022. godine, u cilju okončanja Programa sanacije liftova u 2022. godini.

Obzirom da je prijetila opasnost da će isteći rok važenja prihvatljive ponude zaprimljene u predmetnom postupku javne nabavke, a potpisivanje naprijed navedenog Aneksa Sporazuma nikada nije dogovoreno, Ugovorni organ se u dva navrata obraćao Ministarstvu s ciljem ubrzanja procedure potpisivanja navedenog Aneksa Sporazuma i okončanja svih aktivnosti potrebnih za realizaciju radova na sanaciji predmetnog lifta.

Kako je u međuvremenu rok valjanosti ponude istekao dana 19.02.2024. godine, a Aneks Sporazuma nije potpisan, Ugovorni organ je prinuđen otkazati ponovni postupak javne nabavke radova na sanaciji liftova u Kantonu Sarajevo na adresi Kulovića 2, Općina Centar.

Imajući u vidu naprijed navedeno, primjenom odredaba člana 69. stav (3) Zakona o javnim nabavkama odlučeno je kao u dispozitivu ove odluke.

**Pouka o pravnom lijeku:** Protiv ove odluke nije dozvoljena žalba.

V.D. DIREKTOR

Muhamer Salkić, MA ekonomije/menadžmenta

Dostaviti:

1. „SEUL-KOMERC d.o.o Hadžići, 6. Mart bb Hadžići;
2. Odjel za pravne i ekonomske poslove;
3. U evidenciju;
4. U a/a